

寺殿御文書被取出令見給勘例等在之、忠仁公以來三千戶也、次立寄日野黃門許閑談冷泉黃門參會、次歸宅、

長享三年四月五日 宣旨 此書樣、以今案仰宣秀了、法中無二年、官年爵、又封戶二百戶、或三百戶歟、

從一位藤原朝臣 從一位第一也、前關白太政大臣也、前官以載位爲是、

宜賜准三宮年官年爵封戶三千戶

藏人左少辨藤原宣秀 奉

十三日辛丑、次參二條殿、准后去十日御出家之由承及候間所參申也、禪閣出座、聊御言談之後歸宅、

〔公卿補任後土御門〕延德三年 亥

前左大臣從一位藤原政基 前關白十一月廿八日、准三宮宣下、

〔實隆公記〕明應六年正月十六日己未

抑今夜准后宣下計、仰詞帥卿有御存事、續左、

勅依功勞授爵級者、王道之令典也、以剛柔佐政化者、攝關之彝範也、關白從一位藤原朝臣 政者朝之重臣、國之元老也、而今不加褒章、向後定貽謗譏、宜加年官年爵、一准三宮、又食邑三千戶、以內舍人二人、左右近衛、左右兵衛各六人爲隨身兵仗、并賜帶仗資人卅人、如忠仁公故事、普告遐邇、俾知朕意、主者施行、

應永廿二年十一月廿八日

猪隈大閤 ○藤原家實

嘉禎四年三月廿五日勅書曰、年官年爵一准三宮、又食邑三千戶、以內舍人二人、左右近衛、左右兵衛各六人爲隨身兵仗、并給帶仗資人三十人、如忠仁公故事、

嘉禎以來、兵仗員數一樣也、其前有不同、計內舍人二人并帶仗資人三十人、如忠仁公故事之詞等